

gumt : zuga gwiluk hakhalthalshum da atk gut diltl da ziūsh dit, dum wil wha ligi shga hakhokshk gum dā gwashim, na dup da malthash ga Amt ga Malshk gish ga Shimoigiat ga Lakāga gwashim.

10 Nūshim mukmagaunshk ga dit, diltl gik nish ga Shimoigiat ga Lakāga, shga ām, diltl shga hoigiaḡ ada whanahokshgum wila wālum dā gwashim gū gashimhoudiksha dit :

11 A ma shim wil wilai wila wālum da meltha gaul dida gwashim, niwālda wāl nagwāda da lip klthgū, dup haizumakshimt, dup shagutleda gagaud shimt,

12 Ada mukmagaunshk gumt dum wil tḡulām'm wāluksha shim gish ga Shimoigiat ga Lakāga, gūt in hūkhūitk ga shim gish ga n'lip kingdomt ga, diltl n'lthaumshk gut ga.

13 Ada gwai gun wha ḡilau dup gik dhoiyukshish ga Shimoigiat ga Lakāga, gū, ltha ma shim gā algiaga da gum, gū na algiaksh ga Shimoigiat ga Lakāga, althga ma shim gādumsh na algiaklth giadit, yagai, nini gup shimhou dit, na algiaksh ga Shimoigiat ga Lakāga, gū di halthalsha dida shpaga shimt gū gashimhoudiksha dit.

14 Awil nūshimt, waikia, di n'zayil dida Churches gish ga Shimoigiat ga Lakāga dā Judeat ash Christ Jesus ga ; āwil di adigūel wil hakhāk ga shim da n'lip zapshimt, niwālda di wāl dida shila Jews dit ;

15 Gū nat in zagwush ga Miyān gut Jesus ga, diltl prophets ga, adat ksha hōnumt ; ada althgat shalth-gwishgūsh ga, Shimoigiat ga Lakāga, adat libilt wātk ga tkāni giadit ;

16 Adat hawalthanum da dup dum dālaga lukshzipzabut a dum wil dilamautksha dit, dum gup wil shim lthawila halholtk ga na hadadak ga dit ; ada al ltha gup shim lugwil liwāt ga lthū'undi ga.

17 Ada alt nūgumt, waikia, ga lan bashaguntk ga numt dish nūshim, gū gazilzalum, aina gagaudumt, gun yagai dup shim bāl dup dum gik ni gazilzal shimt ā akabagushk gumt.

18 Awil hashagum da n'dum goidukshum dā gwashim, gwut nūyū Pauli, ltha gō'belth wāli ; adat shgushgūtuk shumt Satan.

19 Awil gau da gū nabōishkgumt, ligi gunlthgwishgūmt, ligi gaidum kshitiyāwagut ? Ligat wha nūshimi, hazaklthk gish ga Miyānum gut Jesus ga, zida ltha goiduksh ?

20 Awilt nūshim n'lthaumshk gumt, diltl gunlthgwishgūmt.

CHAPTER III.

1 Ada ltha lthgūkhk ga dup dum wila nāudit ada wil dup anauga dum gina lagū'unshk gum da Athensit

2 Ada dup haiz Timothy, waigim, diltl na hūkhalthalsh gish ga Shimoigiat ga Lakāga ā Am da Malshk gish Christ ga, dumt shimgit makshin shimt, diltl dumt haizumuk shimt ā wila wāl na shimhoudiksha shimt :

3 Dumt wil wha lthālda da gunhakhāk ga gwait ligit nāt ; āwil ma shim lip wilai nini gwai gun gup wantk gumt.

4 Awil shimhou, ashi hakhokshk gum dā gwashim, ada dup gwildum pliaū shim dā dup dum gup бага gunhakhāk gut : ada ni ltha wāl dit, ada ma shim wilai dit.

5 Nini gwai gun di wālūt, ltha gau n'za wila nāūt, ada wil haizumshū ā n'dum wil wilai na gashimhoudiksha shimt, op za ligi gau zit hshpaltgaud shim hūkshpaltgauda dit, ada za whanahoiyum wāl na al hakhekulumt.

6 Ada ltha al goiduksh Timothy dā gum wātk ga didā gwashim, adat tkayāgwa ama malshk gut wila wāl